



UNIVERSITÄTS-
BIBLIOTHEK
PADERBORN

**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

xiii La vie de s. Cassian mart.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

LAVIE DES SAINCTS HIPPOLITE
& Cassian, Martyrs.13.
Aov.

Inuincible Martyr de Iesus-Christ saint Laurens, estant pris, il fut baillé en garde à vn Choualier nommé Hippolite, lequel apres auoir veu les miracles que faisoit saint Laurens enfermé en la prison, qu'avec le signe de la Croix, il rédoit la veüe aux aueugles, & executoit des choses du tout merueilleuses, il se conuertit, & fut baptisé par saint Laurens, luy & toute sa famille, qui estoit composée de 19. personnes. Depuis Hippolite fut si feruent & desireux de mourir pour Iesus Ch. que voyant souffrir saint Laurens, afin de l'accompagner & mourir avec luy, il voulut s'escrier tout haut qu'il estoit Chrestien, & fut necessaire que saint Laurens luy mesme l'en empeschast, luy commandant de se taire, & d'attendre son temps qu'il ne tarderoit gueres à venir. Apres que saint Laurens eut glorieusement acheué sa course, mourant sur le gril, avec ceste constance & esprit admirable que nous auons dit, le iour de son martyre Hippolite accompagné du Prestre Iustin, porta honorablement son corps en terre; ce qu'ayant esté diuulgé, parueni aux oreilles de l'Empereur, a trois iours de là estant en vne maison prest à se mettre à table pour dîner, Hippolite fut pris par son commandement, & amené deuant luy, qui luy dit: Tu es donc aussi enchanteur & magicien comme Laurens, duquel tu as enterré le corps: Il est vray, respondit Hippolite, que ie l'ay enterré, non en qualité de Magicien, mais plüstoit de Chrestien. Cela déplut fort au Tyran, qui luy fit recoigner la parole dans la bouche à coups de pierres, & despoüiller la robe blanche de Chrestien nouvellement baptisé qu'il portoit, & S. Hippolite dit au Tyran: Tu m'as reuestu au lieu de me despoüiller. Apres quelque propos, Valerian le fit estendre par terre, & battre rudement de verges & gros bastons: le Saint remercioit Dieu, qui le faisoit digne de ce tourment. Lors le Tyran s'escria, Hippolite ne sent point les coups de bastons, qu'on luy escorche tout le corps avec des peignes & des cardes, ce qui fut fait, & Hippolite disoit à haute voix, Je suis Chrestien, & l'endure pour Iesus-Christ. Les bourreaux estās las de luy grater la peau, & de le tourmenter, les Tyran commanda qu'on le leuast de terre, & qu'il fust vestu de son ancien habit militaire, commençant à le prier doucement de n'estre opiniastre, ains de le vouloir aimer, & iouyr des honneurs militaires, & autres biens qu'il luy feroit. Hippolite se mocqua de cela, & luy dit clairement: Tout mon honneur & ma gloire, c'est d'estre bon soldat de Iesus-Christ, & mourir sous son enseigne. Le tyran confisqua ses biens, & fit venir toute sa famille, ayant sceu qu'ils estoient Chrestiens: entr'autres personnes il y auoit vne sainte femme, nommée Concorde, qui auoit esté nourrice, & la gouuernante d'Hippolite: Le tyran luy dit, qu'elle eust esgard à son

aage, & qu'elle perdist la volonté de mourir avec son maistre Hippolite: à quoy elle respondit: Quand à moy & nous autres qui sommes Aoy icy, nous aymons mieux mourir honorablement avec Hippolite, que de viure laschement sans luy. Le tyran s'irrita de cela, disant: Les esclaves ne se corrigent qu'à force de coups: il fit fouetter Concorde si rudement avec des cordes plumbees, qu'elle rendit son esprit à Dieu en ce tourment, en la presence d'Hippolite; lequel fut fort ioyeux d'auoir enuoyé deuant à la couronne de gloire celle qui l'auoit allaiié. En fin Valerian commanda qu'Hippolite & toute sa famille fut mené hors de Rome, & qu'en la presence tous les autres eussent la teste tranchée, puis apres qu'il fust attaché à la queue des chieuaux indomptez pour estre traîné au trauers les champs. En cet horrible & tres-cruel martyre, il rendit son ame à Dieu, & son corps tout billé fut enterré de nuit par le Prestre Iustin, & autres Chrestiens, dans le champ Veranien, allés pres du corps de saint Laurens L'Eglise solemnise son martyre le 13. d'Aoust, l'an de Iesus-Christ 261. sous l'Empire de Valerian & Gallien son fils.

Les Martyrologes Romains, de Beda, Vsiard, & Ado, font mention de saint Hippolite Martyr: mais il en est traité plus amplementes Actes du Martyre de saint Laurens.

LA VIE DE SAINCT CASSIAN,
Martyr.

Saint Cassian Martyr fust Euesque d'une ville d'Allemagne, située dans les Alpes, qu'on appelle Bresse, de laquelle ayat esté chassé, il se mit en chemin pour venir à Rome. Estant parueni à la ville d'Imole, qui est en la Romagne, il s'y arretha en intention d'y seruir nostre Seigneur, & professa à la ieunesse, tenant escole pour instruire les enfans aux lettres & bonnes mœurs. La persecutio contre les Chrestiens estoit lors en regne, & le Iuge ayant sceu que Cassian l'estoit, il le fit prendre, & l'interrogea s'il estoit Chrestien & de quoy il se mesloit. Le Saint cōfessa hardiment qu'il estoit Chrestien, & qu'il se mesloit d'apprendre à lire & escrire aux petits enfans. Alors le Iuge fit assembler tous les enfans qui alloient à l'escole de Cassian, & leur dit que leur maistre estoit le sacrilege contre les dieux, infraacteur des ordonnances Imperiales, & digne de mort, lequel il abandonnoit entre leurs mains, pour le faire mourir comme ils voudroient. Les enfans induits par le Iuge, & desireux de se venger des chastimens qu'ils auoient recens de leur maistre, seruerent sur le saint, & chacun d'eux le frappoit comme il pouuoit. On escriuoit lors des tablettes avec des fers pointus, qu'on appelloit stile, c'estoit de quoy ils piquoient le Saint par tout le corps iusqu'au sang. Il les prioit de ne le pas feindre, & de le frapper plus fort, tant il desiroit mourir pour Iesus-Christ, d'autant que les petites playes le retardoient d'entrer en sa gloire.

LA VIE DE SAINCTE RADEGON-
de, Roÿne de France.



Ombien que la bonté & puissance souveraine du Createur reluisse grandement en toutes ses œuvres, si est-ce qu'en l'admirable vie des Sainctes elle se fait plus clairement paroistre, lors principalement que leurs commencemens semble fort esloigner de la fin où il les a destinez de toute eternité. Cela se remarque en beaucoup d'illustres & venerables Ss. mais specialement en la bien-heureuse saincte Radegonde, née au Paganisme, captiuee en son enfance, Royne en l'adolescence, & depuis l'aage viril iusqu'à sa mort, humble & simple religieuse, mesprisant les richesses pour l'Euangelique pauvreté, les delices pour l'austerité, & les sceptres pour la Croix de Iesus-Christ. Elle nasquit à Thuringe en Allemagne. Son ayeul s'appelloit Basin Roy de Thuringe, & son pere Berchaire, lequel estant venu à la couronne, fust cruellement assassiné par Hermenfroy son ieune frere, ne laissant qu'elle pour tous enfans: ce meurtrier s'empara du Royaume sans contredit, perfonne ne pouuant; ou n'osant resister à sa force, iusqu'à ce que Dieu eust suscité les enfans de Clouis, Clotaire, & Theodebert: lesquels apres l'auoir pris en bataille, luy firent porter la peine de son execrable fratricide. Se voulant saisir du Royaume, ils se saisirent aussi-tost de la legitime heritiere Radegonde; disputans long-temps ensemble à qui l'auoir: ils estoient sur le point de terminer ce different par armes, si Dieu n'eut fait condescendre Theodebert à laisser à Clotaire, qui l'enuoya incontinent en Vermandois au chasteau d'Athie, luy donnant vn honorable train, & la faisant instruire & nourrir selon sa qualité. Ses parens pour n'auoir esté esclairez de la lumiere Euangelique l'auoient enucloppé de leurs mesmes tenebres: neantmoins, si tost qu'on luy eust parlé de nostre Religion, elle y prit vn tel goust, qu'elle qu'irra incontinent le raganisme, & se fit baptiser, prenant deslors vn extrefme plaisir à ouyr les prouesses des glorieux Martyrs, desirant de les imiter: & exposer sa vie pour Dieu; mais pour ce qu'estant en vn Royaume de tout Chrestien, cét heure ne luy pouuoit venir elle resolut de matter, ou plustost martyriser son tendre corps par ieunes, veilles disciplines, & autres exercices laborieux, Oubliant sa qualité de Princesse, elle faisoit l'office de seruante, balayant la maison, apprestant le disner, & seruant à table celles qui la deuoient seruir: elle fit bastir au chasteau vn Oratoire orné de fort belles & deuotes peintures qui tiroient les larmes de ses yeux, & entrant à certaines heures avec ses filles d'honneur pour y prier, & en sortant la dernière de toutes; il n'y auoit qu'elle à le nettoyer, & portoit vn tel honneur au

re. En ce Martyre le Sainct acheua sa vie le treizieme d'Aoust, & selon aucuns sous l'Empire de Julian l'Apostat.

Les Martyrologes Romains, de Beda, Vsuard & Adon, & le Cardinal Baronius font mention de sainct Cassian, & auparauant aurele, Prudence a escrit vn Hymne élégant de son Martyre, auquel il dit qu'estant à Imole, & faisant sa priere deuant l'Autel de sainct Cassian il apperceut vne peinture, en laquelle le sainct y estoit representé nud, enuironné d'vne grande multitude d'enfans qui le frapportoient de leurs stiles, & là on luy fit entendre ce que nous auons dit, qu'il escriuit en vers, & depuis vn autre en prose, comme dit le venerable Bede.

LA VIE DE SAINCT EVSEBE,
Pape & Confesseur.

DV temps de l'Empereur Constance, l'heresie des Arriens s'eschauffa dans Rome, à cause qu'il la fauorisoit & fortifioit: ce qui excita vn cruel orage contre les Catholiques. Plusieurs Ss. euesques & Prestres furent bannis, affligez & massacrez pour la foy Catholique, entre lesquels il y eut vn Eusebe Romain Prestre, & sainct Confesseur lequel ayant constamment defendu la Foy & vraye Religion avec plus de franchise & de courage que ne vouloit Costace, il le fit enfermer en vn recoin dans son Palais, si estroit, qu'à peine il y renoit, ne pouuant remuer de costé ny d'autre: le Sainct homme y demeura 7. mois, priant continuellement N. Seig. de luy donner l'assurace & la force de mourir pour luy: ce qu'il luy accorda, tellement qu'au bout de 7. mois il mourut, & rendit en ce sepulchre où il auoit tât vescu, l'esprit à celuy qui l'auoit crée. Gregoire & Orose Prestres en leuerent son corps, & l'enterretent en vne caue du cimiterie de Calixte, aupres du corps de S. Sixte Pape, & escriuirent cét Epitaphie sur son tombeau, *Itygist Eusebe homme de Dieu.*

Quand Constance sceut la mort d'Eusebe, & que Gregoire & Orose auoient enterré son corps, il s'en offensa estrangement, & les fit prendre: on apprehenda Gregoire, lequel il fit enterrer tout viu en la mesme caue où estoit le corps de S. Eusebe: Orose qui s'estoit euadé, le sceut, & l'alla voir la nuict, & bien qu'il le trouuaist encote en vie, il estoit neantmoins desia si bas, qu'il mourut là entre ses mains, de façon qu'il le laissa enterré au mesme lieu. L'Eglise celebre la mort de S. Eusebe le 14. d'Aoust, qui aduint l'an de nostre Seigneur 357. sous l'Empire de Constance. Il y a dans Rome vne Eglise de S. Eusebe fort ancienne & deuote, en laquelle est son corps S. avec ceux d'Orose, Paulin, & plusieurs autres Reliques des Ss. Martyrs, laquelle fut rebastie & reparee par le commandement du Pape Zacharie. Il est fait mention de sainct Eusebe es Martyrologes Romains, de Beda d'Vsuard, & plus amplement en celuy d'Ado, comme aussi le Cardinal Baronius en parle es